

PROPERTY BLONG ISLAND COURT:

Nem blong ol man we i tek pat long land kea No. 2 blong 1985
we Malekula Aelan Kot i harem long Tuesday namba 2 April 1985 -
Friday namba 3 May 1985.

1. Family David Abia William - Tautu Village.
 2. Gaspard Tommy - Rano Island. x
 3. Colin ^{MARIR} ~~Paul~~ - Rano Island. x
 4. Yosef Peter - Uripiv Island. x
 5. Kalosak Massing - Mahé Village. x
 6. Robert Toame - Tautu Village. ✓
 7. Lienmal Namalapane - Norsup, P.R.V. ✓
 8. Pierre Wersita - Rano Island. x
 9. Klan Dona - Norsup Island. ✓
 10. Jack Klates - Pinalum Village. ✓
 11. Edward Gorden - Tautu Village. ✓
 12. Otel Saksok - Rano Island. x
-

Desisen/Jajman blong Malekula Aelan Kot long Land Dispute blong kraon ia, Baondry blong em i stat long Aob River, igo kasem end blong fanis blong P.R.V. Plantesen Kolosap Rory mo i stat long end blong fanis blong Plantesen P.R.V. long bush i go fas long sulwota. Land kes No. 2/85

Fas part blong jajman i go long olgeta klemants ia:-

- Clmnt No. 1

David ~~Abia~~ William
Tautu Village.

- Clmnt No. 2

Gaspard Tommy
Rano Island.

- Clmnt No. 3

Colin ~~Law~~ MALRIR
Rano Island.

- Clmnt No. 12

Otel Soksok
Rano Island.

Jajman blong kot long pis kraon insaed long disputed Baondry we ol above klemants oil klem. Kastom nem blong kraon ia, LOMBAL, DANEV, mo NAUR.

Jajman

Long kes blong David Abia, Gaspard Tommy, Colin ~~Law~~ MALRIR wetem Otel Soksok desisen blong kot from ol pis kraon we yufala i klem we i stap insaed long disputed area i go olsem:

Long saed blong LOMBAL we i stap insaed long Plantesen P.R.V. we kot i lukluk long em, kot i kivim raet blong kastom onasip long part ia igo long Otel Soksok.

Long saed blong yu Otel Soksok, long half blong LOMBAL we i stap long dark-bush we kot ino lukluk long em, yu mas save se yu mo Abia yu tufala tugeta i kat raet long em, but emia by difren kot i lukluk long em.

* Long saed blong DANEV i go kasem NAUR jajman blong kot i kivim raet blong kastom onasip i go long David Abia William.

Long saed blong yu Colin ~~Law~~ MALRIR jajman blong kot i faenem yu olsem small chief blong Abia mo jajman i kivim raet blong small chief blong DANEV mo NAUR long yu. Yu mas respektem Abia William olsem big chief blong yu, mo yu stap anda long em oltaem. Emia kastom blong Malekula.

.../2.

1.
Long saed blong yu Gaspard Tommy Jajman blong kot i faenem aot se yu boy nomo blong David Abia William mo Colin ~~Taur~~ ^{13/12}. Yu stap anda long tufala ia olsem boy blong chief oltaem. Yu no mas mekem bakeken se yu big chief. Yu mas stap quiet sapos no narafala kot i save putum yu aot.

Hemia nao fas part blong jajman blong kot long ol pis kraon ia, LUMBAL, Danev, NAUR we i stap insaed long disputed area, mo jajman i go long David Abia William, Gaspard Tommy, Colin ~~Taur~~ ^{13/12} mo Utel Soksok. Jajman ia i folem kastom blong Malekula long saed blong kastom raet long kraon.

Seken part blong jajman i go long olgeta klemants ia:-

- Cimnt No. 2

Gaspard Tommy
Rano Island.

- Cimnt No. 10

Jack Klates
Pinalum Village.

- Cimnt No. 11

Edward Gorden
Tautu Village.

- Cimnt No. 12

Otel Soksok
Rano Island.

Jajman blong kot long pis kraon insaed long disputed Saondry we ol above Klemants oli klem. Kastom nem blong kraon, Apan, Chipetebal, mo Melmesmes.

Jajman

Long ol pis kraon blong trifala Nasara ia kot i kivim every raet blong kastom onasip long chief Edward Gorden blong Apan. Hemi kat full raet long trifala Nasara ia, mo kraon blong ol.

Jajman blong kot long yu Gaspard Tommy kot i faenem se yu no kat any kastom raet nating long kraon blong Apan, Chipeteval mo Melmesmes. Yu mas keep aot long trifala pis kraon ia.

Jajman blong kot long yu Jack Klates, kot i putum yu aot long kraon blong Apan, Chipeteval mo Melmesmes. Yu no kat any kastom raet long trifala Nasara ia. Yu stap aot long ol pis kraon ia.

Jajman blong kot long yu Utel Soksok, long saed blong Melmesmes mo Chipeteval kot i luk se yu no kat any kastom raet long ol pis kraon ia. Yu stap aot long Saondry blong ol pis kraon ia.

Hemia nao jajman blong kot long ol kraon blong (3) trifala Nasara ia insaed long Disputed Saondry. Mo i go long Gaspard Tommy, Jack Klates, Edward Gorden mo Utel Soksok.

Third (3) part blong jajman i go long olgeta Klements ia:

- Cmnt No. 2

Gaspard Tommy
Rano Island.

- Cmnt No. 6

Robert Toame
Tautu Village.

Jajman blong kot long ol pis kraon insaed long disputed Baondry we ol above klements oli klem. Kastom nem blong ol kraon ia, POTNATOR.

Jajman

Long ol kraon blong POTNATOR we i stap insaed long disputed Baondry, kot i kivim every kastom raet blong onasip blong POTNATOR igo long Robert Toame.

Long yu ^{3 Deceased} (Gaspard Tommy) kot i luk se yu no kat any kastom raet long POTNATOR. Yu stap sot long POTNATOR mo yu no usim any kraon blong POTNATOR.

Long yu bakeken Robert Toame Baondry blong POTNATOR we kot i kivim kastom onasip raet long yu, Baondry blong em i finis nomo long Head blong Naus, long main road, Haus blong Asial, i kam antap long canoe tree mo Namambe. Yu no mas ova igo long Baondry blong Amel-Malaten. Yu no kat any raet nating long kraon blong Amel-Malaten.

Namba four (4) part blong jajman i go long olgeta Klements ia:

- Cmnt No. 2

Gaspard Tommy
Rano Island.

- Cmnt No. 6

Robert Toame
Tautu Village.

- Cmnt No. 7

Chief Francis
Namalapane *Malapa*
Norsup.

Jajman blong kot long ol pis kraon insaed long disputed Baondry we ol above klements oli klem. Kastom nem blong kraon ia, AMEL-MALATEN.

Jajman

Long ol kraon blong AMEL-MALATEN insaed long disputed Baondry kot i kivim every kastom raet blong onasip long chief Francis Namalapane.

.../4.

Baondry blong AMEL-MALATEN we chief Francis Namalapane i karem kastom onasip raet blong em i stat long solwota, ikam stret long Head blong Naus long Haus blong Asial ikam long rod long Head blong Natavoa lgo stret long Head blong Kanoe tree mo Namambe, i go daon long Head blong kokonas (mak i stap long em) we kot i bin go stanap long em mo luk, afta i folem small creek klosap main road lgo daon long solwota.

Long yu Gaspard Tommy, kot i faenem se yu no kat any kastom raet, long ol kraon blong AMEL-MALATEN yu stap aot long kraon ia.

Long yu Robert Toame, kot i faenem se yu no kat any kastom raet long kraon ia, AMEL-MALATEN. Yu stap aot long kraon ia.

Hemia nao jajman blong kot long kraon blong AMEL-MALATEN, we i stap insaed long disputed Baondry, mo lgo long Gaspard Tommy, Robert Toame mo chief Francis Namalapane.

Namba Faef (5) part blong jajman lgo long olgeta Klements ia:

- Cmnt No. 2

Gaspard Tommy
Rano Island.

- Cmnt No. 5

Kalusak Massing
Mahé Village.

- Cmnt No. 9

Klan Dona
Norsup Island.

Jajman blong kot long ol pis kraon insaed long disputed Baondry we ol above klement oli klem. Kraon we mak blong em i finis long Blacksand, Norsup.

Jajman

Long ol pis kraon we Gaspard Tommy, Kalusak Massing mo Klan Dona oli disputim, we i stap insaed long disputed Baondry, part blong em we i kam long Mahé Village and i stap insaed Plantesen, at hemi kivim kastom onasip raet blong pis ia long Kalusak lhaing. From Klan i bin talem aot long kot se Baondry blong em i finis long Head blong Namalaus nomo. Edward i bin talem se blong em i finis long Narasaed river i kam. Yosef i bin talem se blong em i finis long katel ket, long smol creek long rod i go long Mahé. Pierre Wersits too i bin talem blong em i finis long katel ket long smol creek, olsem Yosef. Ol toktok ia, olgeta man ia i bin talem long kot taem kot i folem kraon.

Long yu Gaspard kot i faenem se yu no kat any kastom raet long pis graon ia. Yu stap aot long pis kraon ia.

Long yu Klan kot i faenem se yu no kat any kastom raet long pis ia. Yu stap aot long pis kraon ia.

Long saed blong pis kraon insaed long disputed Baondry we mak blong em i stap long Norsup River i ron stret lgo long Head blong Namalaus we i stap long main road i go long Mahé, mo i ron folem small creek ia i go stret long solwota lgo kasem

solwota, kot i kivim raet long yu Klan. Kot ino luk wan
stret kastom ong blong ples ia, stret blood blong ples ia.
Kot i KIVIM TU RAET BLODZ, NOEUP AELAN JESU KLAN DOKA.
Hemia nao jajman blong kot long pis kraon ia we, Gaspard Tommy,
Kalosak Massing, mo Klan Dona oli disputim.

Namba (6) six part blong jajman i go long olgeta klements ia:

- Cmnt No. 2

Gaspard Tommy
Rano Island..

- Cmnt No. 4

Yosef Peter
Uripiv Island.

- Cmnt No. 8

Pierre Wersits
Rano Island Island.

Jajman blong kot long ol pis kraon insaed long disputed Baondry
we ol above klements oli klem, kastom nem blong kraon AMELIKEN.

Jajman

Long sead blong kraon we Gaspard Tommy, Yosef Peter mo Pierre
Wersits yufala i disputim, kot heml kivim kastom raet blong ona-
sip igo long Yosef Peter. Long yu Yosef kot i mekem i klia
long yu se yu no mas agensem or rao wetem Pierre Wersits or
family blong em bakeken. From kot eml luk se yutufala i stret
blood blong Twelnani.

Kot i putum Pierre Wersits under long Yosef Peter.

Long yu Pierre Wersits kot i luk se yu seken bon blong
Twelnani, Ideng. Kot i putum yu olsem smol chief blong Yosef.
Emia i folem kastom blong Malekula. Yu mas respektem Yosef mo
yu mas save oltaem se yu anda long em olsem small chief.

Long yu Gaspard kot i faenem se yu no kat any kastom raet insaed
long kraon blong AMELIKEN. Yu stap aot long kraon blong
AMELIKEN.


Hemia nao jajman blong kot long ol pis kraon insaed long
disputed Baondry we Gaspard Tommy, Yosef Peter mo Pierre Wersits
oli klem.

Long yufala evriwan we i klem mo jajman blong kot ia i go long
yufala, yufala i mas save se jajman ia i final jajman blong
Malekula Aelan kot we i folem kastom blong Malekula. Mo tu
jajman ia, anda long seksen 4 mo seksen 6 blong order 18 blong
Aelan kot Civil Procedure Rules blong 1984, jajman ia, i karem
full fos mo pawa, stat tedei Monday namba 13 May 1985.

Long yufala evriwan we kot i kivim raet blong onasip long yufala
kot i mekem i klia se kot i bin folem kraon mo kot i save gud
mak blong wan wan pis kraon we kot i kivim long yufala. Yufala
i no save muvum mak mo kiaman long em from bambai kot i survey
long em.

- 6 -
Jajman ia Malekula Aelan Kot i mekem Fedel Monday namba 13 May 1985.

Jastis .MAXWELL REHABERT. Maxwell Ragambath.
JOHN
Jastis Jonathan Johnny.
Jastis .Nehtik Robert. Robert Neptic.



Sapos any man long yufala we jajman i kam long yufala mo yufala i kat part long kraon ia, mo yufala ino happy long desisen/Jajman blong Malekula Aelan Kot yufala i save Appil i go long Sapprim Kot. Yufala i kat 30 day blong mekem Appil i go long Sapprim Kot.

Klasing dei blong Appil hemi Tasde namba 13 June 1985. Sapos yu mekem Appil afta long dei ia bambai kot ino save karem Appil blong yu.

Fee blong pem Appil long Sapprim kot hemi 20.000 vt long wan kes.

Decision Belong Court

KEYNOTE

Long land Dispute kes namba 2 blong 1985 long Malakula Aelan Kot, kes hemi konsen Baondry blong kraon ia, i stat long Aob River i go kasem end blong Plantesen klosap Rary Village. Mo i stat long end blong fanis blong Plantesen long bush i go kasem eolwota.

Kot hemi kivim not jajman blong em long ol difren pat, hemia i folem desisen blong em long ol difren pla kraon we i mekemap Baondry blong kraon we istap long Dispute.

Conit